



2018

RELATÓRIO ANUAL



FUNDASAUN ALOLA

"Feto Forte Nasaun Forte - Strong Women Strong Nation"

FETO TIMOR-LESTE IHA STATUS IGUÁL IHA ASPEITU MORIS HOTU-HOTU

(Asesu, partisipasaun, papél iha halo desizaun, goza benefísiu sira hosi dezentvolvimentu LIUHOSI EDUKASAUN, DEZENVOLVIMENTU EKONÓMIA, SAÚDE NO LIDERANSA KOMUNITARIA

MISAUN:

Atu Promove Feto Nia Direitu Sira no Hasa'e Feto Nia Kapasidade Lideransa, Hadi'a Estatutu Saúde Feto & Labarik nia, Hasa'e Asesu & Kualidade Edukasaun ba Feto & Labarik, no Haforsa Feto nia Impreza Ki'ik iha Nível Rurál.

Igualdade	Justisa	Partisipasaun	Respeita	
Advokasia	Saúde Inan no Oan	Edukasaun	Hakbi'it Ekonómia	Jestaun
Promove Feto Nia Direitu Umanu	Hadi'a Feto No Labarik Nia Status Saúde	Hadi'a Kualidade No Asesu Ba Edukasaun	Haforsa Feto Nia Partisipasaun Ekonómia.	Sistema Jestaun & Rekursu Umanu Ne'ebé Efetivu No Efisiente
• Kampaña ba feto nia direitu • Haforsa feto nia lideransa • Haforsa rede servisu sira ho parseiru hotu • Programa Suporta Municipiu atu haforsa feto iha area hotu. • Asisti feto atu asesu ba informasaun no kompriênde sira nia direitu.	• Programa foka kona-bá redusaun IMR, MMR, MMBR no rásiu malnutrisaun labarik tinan 5 mai kraik. • Promosaun susu-been eksklusivu no hahan komplementar (liu-husi grupu baze-komunidade sira iha nível suku). • Hakbi't grupu baze-komunidade sira atu suporta saúde inan no oan iha nível suku. • Suporta Ministériu Saúde (MS) hodi implementa Programa Nutrisaun no Saúde Inan no Oan. • Kolaborasaun programa ho parseiru internasional no governu iha nivel nasional no munisipal.	• Promove importánsia husi edukasaun no involvimentu komunidade tomak. • Fornese treinamentu atu hadi'a profesór sira nia abilidade hanorin. • Dezentvolvimentu rekursu iha Tetun no Portugéz uza rekursu/materiál lokál. • Servisu kolabora ho Ministériu Edukasaun no organizasaun edukasaun sira atu dezenvolve programa edukasaun olístiku. • Habelar oportunidade ba kontinuasaun edukasaun.	• Hadi'a feto nia status iha impreza. • Hasa'e oportunidade ba rendimentu. • Promove independénsia ekonómia ba feto.	• Estabelese sistema ne'ebé responsivu hosi programa jestaun no avaliasaun. • Asegura jestaun finansiál ne'ebé transparénsia no akuntabilidade. • Asegura kualidade facilidade husi jestaun no prosesu. • Mantein alokasaun orsa-mentu ba programa iha futuro. • Avaliasaun dezempeña no haktuir ho funsiônariu nia dezenvolvi-mentu profisional. • Sistema rekursu umanu ne'ebé forti. • Continua atu promove servisu fatin ne'ebé amizável ba família sira.

LIA-MENON HUSI PREZIDENTE KONSELLU FUNDASAUN ALOLA

Dr. Kirsty Sword Gusmão, AO

Hau kontinua orgullu hodi haree inteligjénsia no sensibilidade CEO Alzira Reis ho funsionáriu sira hodi kontinua hatan ba kestaun sira uluk no foun ne'ebé Feto no labarik Timor-Leste hasoru.

Maski iha impase política ne'ebé hamenus ekonomia Timor-Leste iha 2018, maibe revizaun Planu Asaun 2018 Fundasaun Alola nian ne'ebé realiza ona iha Outubru hatudu katak iha tinan nia rohan programa hotu-hotu atinji meta sira exesaun ba programa Hakbiit Ekonomia.

Ha'u orgullu tebes ba susesu ne'ebe agora dadauk iha ba implementasaun estratéjia Programa Integrasaun iha suku foun, rezultadu ida mak masimizasaun rekursu sira organizasaun nian hodi hadia nutrisaun labarik nian, saude inan ho oan no hasa'e koñesimentu públiku nian kona-ba kestaun importante sira inklui edukasaun sedu ba labarik no igualdade jéneru.

Ha'u mós kontente tebes ba Alola nia lideransa iha advokasia ba rejenta alterasaun ida ne'ebé propoin ba Dekretu-Lei kona-ba Edukasaun Bázika sira ne'ebé sei halo Portugés nu'udar lian prinsipál nu'udar instrusaun iha eskola. Dekretu Lei, Governu aprova iha tinan 2015, ne'ebé mandatori uza lian Tetun hanesan lian inisiál ba literasia no aprende iha eskola primária hotu iha Timor-Leste nian no aliñada ho kurrikulu no kultura Timor-nian nomos realidade sosial. Alola no ami-nia parseiru sira iha sociedade sivil sira konsege susesu iha kampaña ne'ebé hamosu rezultadu diak tebes hosi perspectiva edukasaun ba ema hotu-hotu.

Alola Austrália – organizasaun bajeia ba irmã ka mana, marka ona tinan 10 hodi fornese apoia maravilhoza sira ba feto no labarik Timor-leste iha tinan ida ne'e. Hau foti oportunidade iha Relatóriu Anuál 2018 ida ne'e hodi fó omenajen ba dedikasaun no paixaun Prezidente Konsellu nian, Maria Bohan, no membru konsellu administrasaun ne'ebe iha



talentu furak sira. Durante periodu ne'e konsege kolekta ona milliaun 1,6 dólar amerikanu hodi apoia servisu Alola iha Timor-Leste no ekipa kontinua rezerva apoia ba asuntu urjente sira ne'ebé afeta feto sira iha nasaun ida ne'e no iha públiku nian matan iha Austrália – felisitasan no “obrigado-wa'in boot” ba ami-nia mana sira iha Alola Austrália! Prezidente konsellu nian, Maria Bohan, no membru konsellu administrasaun ne'ebe iha talentu furak sira.

Ba tinan daruak, iha 2018 ha'u lidera vizita estudu ba Australianu/a hamutuk ema nain 8 iha vizita ne'ebe sei lahaluha durante semana naruk iha Dili, Baucau no Balibo. Benefisiáriu husi komponente angariaun fundu husi vizita ida ne'e atu suporta programa kankru feto, “HALIKU”. Iha vizita ne'e nia rohan ami kontente tebes tamba bele hetan fundus besik \$AUD 28,000 ne'ebe disponivel ba HALIKU atu kontinua servisu inspirativu sira ba eduka feto no joven feto sira kona-ba sinál primeiru kankru susun, importánsia ba detesaun sedu no ezaminaun susun mesak. Estatistika loloos la eziste maibé ita hatene katak númeru rihun Feto Timor sira kontinua mate laho diagnosa no laiha tratamentu ba kankru susun no kankru feto sira seluk.

Ha'u fó-agradese wain ba ami-nia parseiru no doador sira ne'ebe kontinua tau fiar ba ami-nia organizaun hodi responde ba nesesidade urjente feto maluk sira nian iha aspetu sira edukasaun, Saúde Inan no Oan, empoderamentu ekonómiku no advokasia.

Viva Alola! Viva Timor-Leste!



LIA MENON DIRETÓRA EZEKUTIVA

Alzira dos Reis



Hau nia tempu naruk barak liu servisu iha pozisaun ida mak nu'udar CEO ba organizasaun Fundasaun Alola durante tinan neen nia laran. Razaun ne'ebe fundamentál motiva hau mak misaun organizasaun ne'ebe interesadu hodi eleva moris dignu ba feto no labarik.

Durante hau nia involvmentu iha organizasaun ida ne'e hau nota katak iha progressu lubuk ida mak organizasaun ida nee kontribui inklui estudante rihun resin mak hetan bolsa estudu no akaba sira nia estudu, kontribuisaun ba redusan mortalidade inan ho oan, kontribui ba dezenvolvimentu lei no politika sira rai laran ne'ebe sensível no favorese ba feto no labarik, organizasaun nia perfile kontinua rekonesse husi organizasaun sira iha nivel nasional nomos internasional no seluk-seluk tan. Urgulhu no apresia tebes ba ema hotu ne'ebe hahu organizasaun ida nee no ba sira ne'ebe kontinua misaun ida nee to'o ohin loron.

Iha tinan 2018, iha intervensaun lubuk ida mak kontinua organizasaun ida ne'e kontribui tamba nee hau kontente tebes hodi apresenta relatoriu anual inklui narativa no finansa ba parseiru, doador no apoiantes hotu fundasaun nian. Tuir mai hau hakarak apresenta rezultadu xave balun ne'ebe hetan.

Ami konsege lansa ona Aprosimasaun Integradu iha Turiscaí, suku Caimauc no Manumera ho objetivu boot eleva estatutu nutrisaun labarik nian. Lansamentu ida ne'e konsege estabelese mos grupu comunidade hanaran Suku Hadomi Inan no Oan (SHIO) foun rua ne'ebe sei sai nu'udar alvu xave ba hadia nutrisaun bebe, hasae kapasidade feto ba foti desizaun iha nivel comunidade no uma laran, redus violénsia domestika liu husi hasa'e konsensia no haforsa rendimentu uma laran hodi kontribui ba hadia nutrisaun bebe no inan nian. Hau fiar katak intervensaun ida ne'e sei lori mudansa positivu ba moris feto no labarik iha suku rua refere.

Iha parte seluk, konsege komemora Semana Mundial Susubeen Inan nian ho tema 'Fo susu mak Fundasaun ba Moris'. Durante komemorasaun, Alola representa ona iha talkshow sira hodi promove susubeen eskluziva, promove saude inan no oan ho parseiru sira inklui Ministeriu Saude, UNICEF no Parlamentu komisaun F. Alen ida ne'e hetan konfiansa hodi bele hamutuk ho Prezidente Konsellu Alola, Sra. Kirsty Sword

Gusmão hodi apresenta kona-ba importansia husi edukasaun no Fundasaun Alola nia papel ba hadia kualidade edukasaun iha Timor-Leste liuhusi programa talkshow iha televisaun.

Haforsa involmentu grupu comunidade nian mak importante tebes tamba ne'e ami estabelese-tan Suku Hadomi Inan ho Oan (SHIO) 4 iha Aileu no Ainaro. Iha parte seluk kontinua haforsa servisu sira ba akonsellamentu iha fasilidade saude, SISCa no comunidade ne'ebe halo husi pesoal Alola no membru grupu comunidade ne'ebe iha. Nu'udar rezultadu ema hamutuk 13,519 kompostu husi inan isin-rua, inan fo-susu, parentes, lider komunitaria, joven feto no mane iha munisipiu 8 suku 57 mak hetan benefisiu husi akonsellamentu, formasaun no assistensia referral nian. Aumenta tan, Projetu Planu Partu (PPP) konsege habelar tan ba iha postu administrativu Baguia kobre suku 10. Durante tinan ida nia laran konsege apoia ona inan isin rua hamutuk 77 % husi 203 mak partus seguru. Projetu Planu Partu iha Oekuse konsege hasa'e numeru inan partus iha fasilidade saude no inan partus apoia husi pesoal saude aumenta. Kazu susesu ida tan mak, iha postu saude tolu inklui Malelat, Bebo no Nibin ne'ebe iha tinan 2016-2017 laiha inan partus iha sentru saude refere maibe iha tinan ida nee konsege inan hamutuk 16 mak partus iha postu saude refere.

Ezemplu rezultadu ida-tan durante tinan ne'e mak halo ona advokasia ho parseiru sira ba rejenta alterasaun Dekretu-Lei kona-ba Kurrikulu Nasionál Pre-eskolár no Ensinu Bázikú ne'ebe ikus mai lakonsege aprova nomos halo ona submisaun ba Orsamentu Estadu 2018 ne'ebe sensivel ba jéneru ba parlamentu. Iha parte prevensaun nian konsege hasa'e konsensia joven sira, membru comunidade hamutuk ema 2,542 mak partisipa iha diskusaun no formasaun ne'ebe oferese no tuir avaliasaun antes iha deit 40% mak iha koñesimentu maibe depois de formasaun sae ba 90% iha ona koñesimentu no komprensaun diak kona-ba prevensaun violénsia baze ba jéneru no instrumentu legais sira ne'ebe garantia direitu feto no labarik ba moris livre husi violensia no dignu. Iha parte seluk, nu'udar rezultadu husi forum sidadania ne'ebe halo ona iha suku 24 kobre munisipiu 12 hatudu katak 80% problema hirak ne'ebe identifika hetan resposta husi instituisaun no governu lokal ho diak. Ezemplu ida mak laiha ambulánsia hodi transporta inan isin rua no ema moras iha suku Manelobas maibe depois de advokasia konsege hetan apoia refere.

Urgulhu tebes atu apresenta katak ami nia programa edukasaun konsege hari'i tan Pre-Eskolar komunitaria foun 10 iha Ermera no Vikeke tamba nee agora dadauk ami kontinua haforsa pre escolar komunitaria hamutuk 133. Pre-Eskolar komunitaria ida nee konsege akomoda labarik hamutuk 3,036 no husi sira ne'e nain 874 mak gradua no kontinua ba ensino baziku. Aumenta tan, apoia bolsu estudu ne'ebe iha tinan 2018 ami oferese ona ba estudante husi ensino baziku to'o universidade hamutuk 240 no nain 17 gradua husi universidade. Kontribuisaun ba hadia kualidade edukasaun iha ensino baziku nian, ami lansa ona manual lee hanaran "Matadalan Lee" ne'ebe sei uza husi treinador sira no konsege vizita eskola ensino baziku 20 ne'ebe partisipa husi estudante hamutuk 1,635. Intervensaun ida nee konsege hasa'e labarik nia abilidade lee 15 %.

Hakbi'it ekonomia feto kontinua fornese spasu ba soru nain no artista sira liu husi Feira Natal no Feira Alola ne'ebe konsege sai meius hodi aumenta sira nia rendementu. Feira rua nee konsege halibur liman badaen hamutuk 90 no sosa nain besik 1,300 no hetan rendimentu ho total besik \$22,000. Relatoriu peskija husi UN Women hatudu katak numeru soru nain tun husi 13,810 iha tinan 2010 tun ba 4,965 iha tinan 2015 tamba nee Alola hamutuk ho parseiru sira inklui Timor Aid no UN Women servisu hamutuk hodi halo advokasia ba protesau no prezerva liman badaen sira nia produtu liu liu TAIS.

Iha parte seluk, avaliasaun ba projetu mikro-kreditu hatudu katak husi grupu 18 ne'ebe hetan apoia husi Alola 15 susesu no 3 mak falha maibe kolokiu reflesaun sai kanal ida hodi aprende hamutuk hodi hadia diak liu-tan iha futuru.

Ida ne'e mak pontus rezultadu balun ne'ebe atinji ona no ninia detalhu sira sei apresenta iha relatoriu laran. Hau hakarak hato'o hau nia agradese wain ba doador, parseiru no Alola nia belun tomak ne'ebe kontribui ona ba Alola nia dezvoltamentu no rezultadu sira ne'ebe atinji ona.

Hau nia agardese wain ba membru konsellu tomak, liu-liu mana Kirsty ba apoia ida-idak durante hau nia kareira tomak. Hau apresia pesoal Fundasaun Alola ida idak ne'ebe durante nee servisu hamutuk liman ba liman ba hodi eleva ida ne'ebe persija ita nia tulun. Ita nia servisu sira sai efetivu no forte wainhira ita servisu hamutuk ba objetivu ida no mehi ida.



Alzira Reis
CEO Fundasaun Alola

PROGRAMA SAÚDE INAN NO OAN

Fundasaun Alola iha komitmentu ba tempu naruk hodi suporta eleva saúde inan no oan iha Timor-Leste. Dadus indika katak mortalidade bebé nian tun husi 45 husi total bebé 1000 ne'ebê mak moris ba 30 husi total bebé 1000 ne'ebê mak moris no inan mak partu iha facilidade saúde sae ba besik 50% nomos 57% inan isin-rua sira partu ho assisténsia husi pesoál saúde sira. Alem ida ne'e, estimasaun feto hetan malnutrisaun redus husi 27% ba 23% no labarik menus husi tinan 5 mai kraik sofre todan menus tun husi 45% ba 40% no mós labarik idade menus husi tinan 5 mak identifika raes iha sira nia kresimentu tun husi 58% ba 46%. Dadus ida ne'e hatudu katak iha mudansa ba área saúde inan ho ona nian. Maske nune'e, ida ne'e konsidera nafatin risku no problema tamba nee kontinua fórtifika intervensaun sira liuhosi involvimentu comunidade no parseiru sira hodi partisipa ba halakon malnutrisaun, no redus mortalidade inan nian.



Fundasaun Alola nia programa Saúde Inan no Oan uza estratéjia sira ne'ebê defenidu hodi konsentra iha nível nasionál nomos munisípiu liuhosi facilidade saúde inklui ospitál, sentru saúde komunitária, postu saúde no comunidade tomak.

Relatóriu ida-ne'e sei fornese sumáriu husi ami nia atinjimentu sira iha tinan 2018 nian.

SUPPORTA BEBÉ FOIN MORIS: PROMOVE FÓ-SUSUBEEN INAN BA BEBÉ



Rezultadu peskiza informa katak bebé sira sei iha saúde di'ak wainhira sira hetan de'it inan nia susubeen hahú husi moris to'o fulan neen no la fó-hahan ka hemu seluk. Iha 2010, iha bebé hamutuk 52% mak simu inan-nia susubeen eksklusivu ba fulan neen (6) dahuluk husi sira-nia moris (Estudu Demografia no Saúde iha Timor-Leste). Maibé numeru ne'e tun tiha ba 50% iha tinan 2016 no ida ne'e hatudu katak presiza tebes atu halo esforsu di'ak liu-tan atu bele hadi'ak fó-hahan optimal ba bebé liu-liu fó-susubeen inan eksklusivu durante fulan 6 dahuluk husi moris.

Atu responde ida ne'e, Alola halo ona promosaun kona-ba importánsia fó susubeen inan nian eskuzivu alvu ba inan isin-rua, inan fó-susu no sira-nia família iha Ospitál Nasionál Guido Valadares no Ospitál Referénsia tolu mak hanesan Ospitál Referénsial Munisipiu Baucau no Maubisse inklui Ospitál Referénsial Rejiaun Espesiál Otonomia Oecusse. Akonselamentu ne'ebê iha foka liu ba importánsia inisiasaun fô-susu sedu, halo intervensaun sedu ba bebé prematuru

no bebé ne'ebê moris ho todan menus liuhosi eduka inan-sira atu kontinua fó susubeen inan ba bebé ho maneira fó hemu bebé uza kaneka nomos assiste inan-sira hodi prátika kuidadu bebé ho metodu kanguru (kuidadus kontaktu kulit-ba-kulit). Akonselamentu iha facilidade saúde sira fó ona benefísiu ba inan fó-susu hamutuk 6,380 no parente-sira hamutuk ema 7,447.

Aumenta tan, membru Grupu Suporta Inan (GSI) no Suku Hadomi Inan no Oan (SHIO) fornese ona akonselamentu ba inan-sira iha tempu programa Sistema Integrado Saúde Comunitaria (SISCa) no sira-nia comunidade kona-ba importánsia husi fó deit susubeen inan ba bebé husi 0-6 mezes. Akonselamentu ida ne'e partisipa husi inan isin-rua hamutuk 1,723 no inan fó-susu hamutuk 1,928.

HASA'E ASESU BA IHA PARTU SEGURU: INISIATIVA PAKOTE MATERNIDADE

Meius ida atu hasa'e numeru inan-sira partus iha facilidade saúde, Fundasaun Alola kontinua fornese 'Pakote Maternidade' ba inan-sira iha ospitál referénsia no postu saúde sira. Totál pakote hamutuk 650 mak distribui ona iha tinan ida ne'e ba iha Sentru Saúde Komunitária no Postu Saúde balun sira iha Munisipiu Aileu, Liquica no Baucau.



Pakote Maternidade	
Número benefisiáriu	
TOTAL	650

PARTU SEGURO: PREPARASAUN PLANU BA PARTUS (PPP)

Interferênsia husi Projetu Planu Partus ninia objetivu mak atu suporta inan isin-rua sira atu kria sira-nia planu partu rasik atu asesu ba iha partu seguru ne'ebê mak atende husi profissionais saúde sira no organiza suporta husi membru comunidade suku nian hodi aranja transporte wainhira inan-sira presiza atu ba partus.

Iha 2018, PPP haluan tan ba suku 10 iha Postu Administrativu Baguia no kontinua iha suku 18 Iha Rejiaun Administrativa Espesiál Oécusse Ambeno-RAEOA. Nu'udar rezultadu husi intervensaun iha rejiaun Oécusse, iha inan isin-rua hamutuk 1,222 mak partus husi suku 18 no husi total ne'ebê 29% partu iha facilidade saúde (sentru saúde no postu saúde), 47% (574) mak partus iha uma assiste husi pesoál saúde no 24% partus iha uma ho ajuda husi daia/família.

Rezultadu ida-tan mak, hasa'e ona numeru inan partus iha postu saúde tolu (3) ne'ebê antes nee iha tinan 2016-2017 laiha inan partus iha ne'eba inklui Postu Saúde Malelat (inan nain 3), Postu Saúde Bebo (inan nain 5) no Postu Saúde Nibin (inan nain 8).

Aumenta tan, iha Postu Saúde Pune ne'ebê mak iha tinan 2017 iha deit inan nain ida mak mai partus maibé iha tinan 2018 iha ona inan hamutuk 24 mak partus iha postu refere. Melhoramentu ida ne'e nu'udar rezultadu husi kontribuisaun signifkante projetu nian liuhosi intervensaun atividade sira inklui diskusaun comunidade nomos liuhosi esforsu tomak husi koordinador/a Planu Partus ne'ebê mak eduka no refere inan isin-rua sira hodi ba partu seguru iha facilidade saúde. Iha fulan Marsu to'o Dezembru 2018, koordinador/a programa planu ba partus iha suku 18 iha Oecusse refere ona inan atu partus hamutuk nain 377 husi total inan hamutuk 954 ne'ebê mak partu seguru iha facilidade saúde hamutuk 40% no 39% partu iha uma ajuda husi pesoál saúde.

Aliem ida ne'e, PPP iha Postu Administrativu Baguia, Municipiu Baucau kontribui ona ba hasa'e numeru inan isin-rua hodi partus seguru iha facilidade saúde. Dados hatudu katak iha inan hamutuk 203 mak partus durante tinan 2018. Husi total inan ne'ebê partus iha de'it ema 93 (46%) mak partu iha facilidade saúde, inan 62 (30%) mak partus iha uma ajuda husi pesoál saúde sira no inan hamutuk nain 48(24%) mak partus iha uma ajuda husi daia ka membru família rasik. Husi dados iha leten inan hamutuk nain 33 (21%) mak partus refere husi koordinador/a programa planu partu. Husi inan 33 nee hamutuk inan partus iha facilidade saúde iha 21 husi 93 dados jerál no partus iha uma asitisti husi pesoál saúde hamutuk 12 husi 62 dados jerál inan ne'ebê partus.





HUSI INAN BA INAN: EXPANSAUN GRUPO GSI/SHIO BA IHA SUKU FOUN

Atu haforsa involvmentu comunidade iha intervensaun sira ba promove saúde inan no oan, estabelese tan Grupu Suporta Inan (GSI) no Suku Hadomi Inan no Oan (SHIO) foun hamutuk 4 mak espalha iha Liquica (2) no Aileu (2). Antes ne'e, halo analiza problema ho partisipatori no hasa'e koñesementu membru nian kona-ba susubeen eskuzivu, hahán komplementariu ba labarik idade 0 – tinan 2, planeamentu familiár, partus seguru, saúde reprodutiva, saúde seksual ba adolosente sira liuhosi formasaun.

Durante tinan ida ne'e, iha MSG/GSI hamutuk 53 mak gradua ona tamba ne'e Alola kontinua servisu hodi haforsa GSI no SHIO hamutuk 57 liuhosi formasaun no akompanhamentu kona-ba fó-hahan ba bebé no labarik ki'ik no maternidade seguru baziku iha suku 57 iha munisipiu hitu. Resultadu husi atividade ne'ebê

akontese ona iha comunidade konsege akomoda membru grupu no comunidade hamutuk ema **10,893** ne'ebê informadu kona-ba susubeen eskuzivu, hahan komplementariu ba labarik idade 0 – tinan 2, planeamentu familiár, partus seguru, saúde reprodutiva, saúde seksual ba adolosente. Iha parte seluk, membru MSG/GSI no SHIO fornese ona akonselamentu ba inan isin-rua hamutuk **2,346** no inan fó-susu hamutuk **3,980** iha sira-nia comunidade no SISCa. Aumenta-tan, refere ona inan isin-rua iha área remota atu partus hamutuk 42 ba facilidade saúde no labarik ho malnutrisaun hamutuk 79 no inan malnutrisaun nain 3 ba facilidade saúde.

Aliem ida ne'e, celebra ona Semana Mundial Susubeen Inan nian ho tema “Fó Susu: Fundasaun Moris Nian” iha suku 14 munisipiu rua ne'ebê partisipa husi inan no kudadór sira hamutuk ema **586**.

HASA'E LIDER KOMUNITÁRIA SIRA NIA KONSIENSA BA IHA NUTRISAUN NO SAÚDE INAN NO OAN

Atu hasa'e kunhesementu lider komunitária sira kona-ba nutrisaun, realiza ona kolókiu sira ne'ebê akontese iha suku 11 munisipiu Liquica no Aileu. Kolókiu refere partisipa husi ema hamutuk 103 kompostu husi representante grupu feto, membru Igreja Katólíka, lider komunitária, autoridade lokal, no joven ne'ebê partisipa. Kolókiu refere konsege eduka ka informa ona partisipante sira kona-ba importánsia nutrisaun ba inan isin-rua, inan fó-susu no labarik. Iha parte seluk, enkoraja mós comunidade no lider sira hodi konsolida esforsu sira ba redusaun numeru kazu malnutrisaun iha sira nia suku.

EDUKASAUN ATU HASA'E KONSENSIA KONA-BA KANKRU FETO NO APOIU BA MORAS KANKRU FETO

Objetivu husi HALIKU ka “Ha'u Hili Atu Kura” mak atu informa ema hotu kona-ba sintomas kankru nian nomos fatóres kontribui hirak ne'ebê mak kontribui hodi hamosu moras kankru ne'e rasik. Iha tinan 2018, projetu HALIKU kontinua halao ninia atividade sira hanesan diskusaun comunidade, kolókiu ki'ik, no suporta solidariedade ba sobréviente sira. Diskusaun comunidade no kolókiu ki'ik sira mak nu'udar meius atu hasa'e konsensia kona-ba kankru, purtantu hasa'e konsensia ne'e konsege alkansa ema hamutuk 1,345 husi membru grupu suporta inan-parentes, estudante pre-sekundaria, feto FFDTL, no membru konsellu no membru assembleia Igreja Protestante nian.

Aumenta tan, Projetu HALIKU konsege fornese apoia solidariedade ba sobréviente liuhosi transporte referral no biopsies. Durante tinan 2018, suporta ida nee konsege ajuda ema hamutuk 25.

Atu haforsa rede servisu, iha loron 3-5 fulan Agostu, ekipa HALIKU no representante husi Ospitál Nasionál (ONGV) partisipa iha enkontru simpóziu Anuál Sudeste Aziatiku nian ne'ebê realiza iha Kuching- Malázia. Simpóziu refere hasa'e ona koñesementu ema nain husi pesoál Alola no ONGV nian kona-ba oinsá atu eleva suporta sira ba pasiente kankru nian no advokasia ba direitu pasiente nian.

Eventu seluk-tan mak, atende ona Union International for Cancer Control (UICC) – Kongresu global ne'ebê akontese iha Kuala-Lumpur, Malázia. Kongresu refere fornese ona espasu angariaisaun no estabelese futuru parseira hodi apoia HALIKU.



PROGRAM EDUKASAUN

Programa Edukasaun nia objetivu mak atu hadi'a kualidade no asesu ba Edukasaun iha Timor Leste. Iha tinan 2018, programa kontinua fornese suporta atraves bolsa-estudu ba estudante Ensinu Báziku, ensino secundário no ensinu Superior; fornese suporta ba lider no manorin Eskola Primária liuhosi Programa Mentoria no Aprendizajen (PMA); Promove importánsia Lee iha comunidade no hasa'e labarik sira nia interese no abilidade literasia no Habelar oportunidade ba edukasaun sedu liuhosi programa Pré-eskolár Baze Komunitade iha Munisipiu Viqueque no Ermera

Durante implementasaun atividade sira, Programa Edukasaun kontinua serbisu hamutuk ho Ministériu Edukasaun, parseiru relevante sira, manorin sira, comunidade, labarik sira no estudante sira hodi atinji objetivu programa nian.

Atinjimentu husi programa iha tinan 2018 mak deskreve tuir mai ne'e.



PROJETU BOLSA-ESTUDU: KONTINUA HASA'E ASESU BA EDUKASAUN NO KONTINUASAUN

Iha 2018, Projektu Bolsa-Estudu kontinua fornese suporta oportunidade ba joven feto-sira hodi asesu ba eskola husi nível ensinu báziku to'o ensinu superior. Projektu ida ne'e ninia alvu mak joven sira husi área remotas, inan-aman solteiru, husi família orfao, sobrevivente violénsia bazeia ba jéneru no labarik husi família boot. Enjerál, iha tinan 2018 nia laran iha estudante hamutuk 240 (Feto 152 & Mane 88) husi Ensину Báziku, Ensину Sekundário no Ensину Superior ne'ebê hetan bolsa-estudu.

Governu Austrália - Departamento Negócios Estrangeiros no Comércio suporta ona Projektu Bolsa-Estudu hahú iha tinan 2010-2013 ho total estudante husi Ensину Sekundário hamutuk 2018 no bolseiru hirak ne'e hanaran **"Prémio Ba Joven Feto"**. Iha 2013, iha kontinuasau hodi suporta estudante sira ne'ebê remata sira-nia estudu iha Sekundária hodi kontinua ba Ensину Superior hamutuk ema 52. Nu'udar rezultadu husi Bolsu-Estudu Prémio Ba Joven Feto, iha feto 22 mak gradua ona, 19 sei iha hakerek sira nia teze no nain 10 sai husi eskola. Fatór sira ne'ebê kontribui ba estudante feto sira sai husi eskola tamba kaben no laiha suporta husi kaben ka parseiru ho pursentu 90 no pursentu 10 laiha informasaun.

Tuir mai estudante sira ne'ebê gradua ona pronunsia oinsá bolsu-estudu ne'e fó benefisiu ba sira:

"Ha'u nia agradesimentu klean ba Embaixada Austrália ne'ebê ho komitmentu suporta ha'u nia estudu husi sekundaria to'o universidade liuhosi Fundasaun Alola. Finalmente ohin laron ha'u bele gradua husi universidade. Ha'u esperansa atu kontribui ba dezenvolvimentu ha'u nia família, comunidade no nasaun nu'udar feto ne'ebê forte". tenik Costantina, Graduadu husi Dili Institute of Technology (DIT).

Silvina Guterres, Graduadu husi UNTL tenik "Fundasaun Alola mak inspira no suporta ha'u liuhosi bolsu estudu, konsellu, formasaun no kuidadu pastorál hodi lori ha'u nia kna'ar hanesan estudante no hanorin ha'u sai forte".



Aleinde apoia husi Governu Austrália, iha mós doador lubuk ida mak kontinua aloka sira-nia suporta ba estudante sira husi ensinu báziku to'o universidade inklui Komisaun Amizade Bendigo Maubessi ho totál estudante hamutuk 118, *Blue Mountain East-Timor Sisters and Blue Mountain Together for Timor* apoia estudante hamutuk 23, *Friends of Lacluta* suporta estudante universidade hamutuk 10, Komisaun Amizade Indigo Shire Atauro apoia bolsa estudo ba estudante universidade hamutuk nain 6, no doador individual sira ne'ebê kompromitidu kontinua apoia sira hodi hasae numeru joven feto no feto asesu ba eskola.

Iha tinan 2018, husi totál estudante 240 ne'ebê mak hetan apoia bolsu-estudo, nain 17 (Mane 2 & Feto 15) konsege gradua husi universidade diferente iha Dili.

Aumenta-tan, bolseiru sira konsege hasa'e sira-nia abilidade no koñesementu kona-ba ambiente servisu no oinsá perpara-an hodi bele hetan servisu. Topik husi formasaun ne'e inklui prepara aplikasaun servisu, hakarek Curriculum Vitae (CV) no kompleta ho entrevista. Aleim de ne'e, has'ae ona mós sira nia abilidade iha koalia iha públiku no autokonfiansa iha komunikasaun no apresentasaun iha grupu kiik no grupu boot. Formasaun refere partisipa husi estudante hamutuk 25 husi alvu Premiu ba Joven Feto.



PROJETU FORMASAUN PROFESORES: HASA'E AMI NIA LIDER ESKOLA NO MANORIN SIRA NIA ABILIDADE

Projetu Formasaun Profesóres kontinua ninia intervensaun ba servisu sira hodi eleva abilidade hanorin nian. Iha 2018, Alola dezenvolve ona modul ba programa le'e ne'ebê sei uza husi manorin-sira iha klase ida no rua. Antes ne'e, iha konsultasaun balun ne'ebê halao ona ho ekipa nasonál formasaun ba Profesóres iha Instituto Nacional de Formação de Docentes e Profissionais da Educação (INFORDEPE). Manual ne'e rasik kompostu husi tipu 6 ba lee inklui, le'e ho maka'as, le'e ho malu, le'e ho orientasaun, le'e mesak, le'e ho analiza no le'e ho koral. Manual le'e refere hanaran "**Matadalan Le'e**" no ofisiálmente aprova iha loron 8 Setembru husi Prezidente INFORDEPE no prosesa ba imprime.



Iha uza manual le'e nian, Alola nia ekipa Formasaun ba Profesóres konsege fornese sesaun formasaun ba treinador (FbT) ba treinador lubuk balun husi INFORDEPE no PHD hamutuk nain 9. Aumenta tan, manual refere mós intrudes ona ba akompanante husi Vikeke, Baucau no Manufahi hamutuk nain 11 no testua ona ba iha eskola baziku central 2 iha Manufahi no ninia filial sira. Nu'udar kontinuasaun, ekipa Alola mós hamutuk ekipa PLMP, ekipa PHD no ekipa INFORDEPE realiza ona ona programa le'e kobre persentu 68 husi eskola alvu PLMP nian ba faze dala haat. Iha manorin ba klase 1-6 hamutuk 151 (Feto 63 no Mane 88) husi klase husi eskola Ensino Bázik Central hamutuk 13 iha Baucau, Manufahi no líder eskola hamutuk 36 (M: 31 & F: 5) iha EBC 13 iha Baucau, Manufahi no Viqueque mós hola-parte iha programa le'e.



Projetu nia rezultadu seluk mak administra ona fundus ba akompanante hamutuk nain lima ba faze dala haat iha Manufahi no faze sustentabilidade iha Bobonaro. Intervensau ida ne'e kontribui ona ba melhoramentus estudante nian no aprende liuhusi hari'i kapasidade manorin/lideransa hodi apoiu ba implementasaun kurikulu foun no pedagogia iha munisipiu refere.

PROJETU BIBLIOTEKA HALE'U IHA ESKOLA NO KOMUNIDADE DEZENVOLVE KULTURA LE'E

Alola atu fó assessu livru ba labarik sira no dezenvolve kultura le'e ho involvmentu comunidade nian. Ami-nia Biblioteca Hale'u hala'o ona operasaun hodi vizita labarik sira iha comunidade remota sira hodi fornese asesu le'e inklui atividade edukasionál sira seluk iha tempu lokraik (hafoin oras eskola).durante 2018, konsege intruduz insiativu foun ba integrasaun entre Projetu Bibloteka Haleu no PLMP ho objetivu atu eleva abilidade le'e labarik nian liuhosi asesu material lee sira no hasae sira nia koñesementu ba área relevantes husi livru ne'ebè sira asesu ona.

Iha 2018, Projetu Bibloteka Haleu konsege vizita ensino baziku hamutuk 20 iha Likisa, Bobonaru, Manatutu, no Aileu ho total estudante ne'ebè vizita hamutuk 1,635 (Feto: 784 no Mane: 851).





Iha 2018, Projektu Biblioteka Haleu konsege vizita ensino baziku hamutuk 20 iha Likisa, Bobonaru, Manatutu, no Aileu ho totál estudante ne'ebê vizita hamutuk 1,635 (Labarik Feto: 784 no Labarik Mane: 851). Labarik hirak ne'e mai husi eskola sira ne'ebê alvu PLMP nian. Alende ne'e, Projektu Biblioteka Haleu estende tan atividade le'e ba iha eskola alvu hamutuk 13 no sentru comunidade 13 iha Munisípiu Manatutu. Alola nia projetu refere vizita eskola no sentru sira kada semana rua no rai hela livru sira ba sentru hodi nune'e labarik sira bele asesu ho asisténsia peer no tutor husi parente sira.



Sesaun lee nian iha sentru dala barak halo husi peer no tutor husi parente sira tamba tuir sira nia agenda sesaun nee halo husi loron rua ka tolu depois oras eskola. Pursentu 37 (37%) sesaun sira halao husi ekipa Alola no pursentu 63 (63%) halao husi peer no tutor husi parente sira ho apoia no supervizaun ekipa Alola nian.

Durante sesaun hirak ne'e labarik ida iha Manatutu tenik nune'e "Hafoin remata tiha aula no ajuda ha'u-nia inan-aman iha uma ha'u hasoru malu ho ha'u-nia belun sira no lee livru hamutuk ne'ebê halo ha'u kontente loos no di'ak atu lee hamutuk ho ha'u nia kolega sira iha klase boot. Ha'u-nia inan-aman no biin/maun sira mós lee livru ho ha'u iha uma no ajuda ha'u halo ha'u nia TPC (*Trabalho Para Casa*)".

Iha parte seluk fasilitador belun ida iha Manatutu konfesa nune'e "Ha'u kontente atu suporta ha'u-nia alin sira iha klase 1-3 atu lee tanba ha'u hakarak sira mós matenek no ha'u bele koñese livru barak no lee barak. Iha futuru ha'u hakarak sai profesóra."

PROJETU PRE-ESKOLAR BAZE KOMUNIDADE IHA SENTRU NO IHA UMA : INISIU NE'EBÉ DI'AK-LIU BALABARIK:

Projektu Pre-eskolár Komunitária kontinua servisu no kolabora ho comunidade hodi suporta pre-eskolár hamutuk 123 (baze iha uma 55 no baze iha sentru 68) iha Munisípiu Ermera no Vikeke. Atividade iha sentru sira la'o semana ida loron tolu fasilita husi fasilitadór pre-eskolár treinadu sira no tulun husi inan-aman no membru Komisaun Jestaun Eskola (KJE) sira. Durante tinan 2018, labarik hamutuk 3,136 kompostu husi Feto 1,598 no mane 1,538 mak asesu ba Alola nia Projektu Pre-eskolár Komunitaria iha Munisípiu Ermera no Vikeke.



Iha inisiu tinan 2018, Alola rekruta Ofisiál Terenu hamutuk nain 10 ho hanoin atu aseguar existensia Pre-eskolár Komunitária iha Ermera ho Vikeke. Orijinalmente Ofisiál Terenu sira mai husi munisípiu rua refere inklui nain 5 iha Ermera no 5 seluk husi Vikeke. Ofisiál Terenu sira kontinua suporta fasilitador sira hodi dezenvolve planu sesaun no prepara kantu aprendizajen. Suporta seluk mak apoia fasilitador, KJE no inan aman hodi avalia progressu no identifika dezafiu ne'ebê hasoru hodi buka solusaun hamutuk.

Atu hasa'e abilidade KJE hodi jere pre-eskolár sira, konsege fornese formasaun ho topiku inklui papél no responsabilidade KJE nian, mobiliza comunidade, importánsia husi edukasaun no topiku relevante seluk. Formasaun refere konsege hasa'e koñesementu kona-ba jestaun eskola, papél no responsabilidade KJS, meius ba mobiliza comunidade no importánsia husi edukasaun ba KJS hamutuk ema 181 (F:32, M:139) husi KJS husi Munisipiu Ermera no Vikeke.

Iha tinan 2018, Alola habelar tan Sentru Pre-eskolár foun hamutuk 10 iha Ermera 9 no Vikeke 1. Pre-eskolár Komunitária konsege kontribui ona ba hasa'e númeru labarik sira ne'ebê preparadu atu ba Eskola Primária no melhoria abilidade labarik iha literasia no númerasia. Rezultadu ida-tan mak, Pre-eskolár Komunitária konsege e akomoda labarik hamutuk 3,036 no husi númeru ne'e labarik hamutuk 874 (Ermera 425 no Vikeke 449) mak gradua no kontinua ba eskola primária.





PROGRAMA HAKBI'IT EKONOMIKU

Programa Hakbiit Ekonómia iha área prinsipál rua ne'ebé kompostu hosi dezvoltamentu artizanatu no dezvoltamentu ba feto sira-nia moris. Programa ida ne'e nia meta atu hametin partisipasaun ekonómia feto nian nune'e atu hadi'a estatutu feto nian, atu aumenta oportunidade rendimentu no promove independénsia ekonómika.

Iha tinan 2018, programa refere kontinua haforsa feto rurál sira-nia kapasidade liu hosi treinamentu, oportunidade asesu ba merkadu atu aumenta rendimentu no prezerva identidade kulturál Timor-Leste. Nu'udar rezultadu, feto rurál nian empreza iha Timor-Leste dezvoltadu no iha ona rendimentu natoon ba família sira sai alvu ba programa Hakbi'it Ekonómia . Tuir mai rezultadu detallhu husi projektu sira:

PROJETU DEZENVOLVIMENTU ARTEZANATU: Prezerva no promove produktu artizanatu

Iha 2018, Programa Hakbiit Ekonómia Alola nia kontinua fornese harii kapasidade no oportunidade merkadu ba feto nian badaen liman iha Timor-Leste.

Projetu ida ne'e aumenta rendementu ba feto badaen liman sira no iha tempu hanesan, promove Timor nia identidade kulturál. Atividade ne'e implementa ho susesu iha 2018 ne'ebé fornese treinamentu kona-ba hadi'a qualidade produktu, liu-liu uza kór naturál ba iha tais tradisionál, formasaun diversifikasaun produktu no edukasaun komersializasaun báziku ba partisipante sira hamutuk 21 inklui (F:19 no M:2).

Iha parte seluk, Alola nia programa Hakbiit Ekonómia organiza event u merkadu rua maka Feira Tinan Klaran no Natál durante loron rua iha edificiu Alola nian. Meius ida ne'e konsege halibur ona badaen

artezanatu hotu-hotu hosi munisipál hodi fa'an sira nia produktu lokál, no promove produktu lokál ba kompradór sira tantu lokál no internasionálmente. Produktu ne'ebé fa'an iha feira ne'e variedade hanesan tais bo'ot, tais ki'ik ceramika, boneka, estatua ai, produktu plástiku resiklazen, asesóriu feto sira-nia, sabaun lokál, mina-nu'u virgin, ai-moruk tradisionál, kafé no ai-han lokál.

Feira rua nee konsege akomoda badaen liman sira hamutuk grupu 90 no visitor no komprador besik ema 1,300. Nu'udar rezultadu, visitor sira nia koñesementu kona-ba identidade kulturál aumenta no grupu artizanatu hetan rendimentu besik 22,000.00 dólar Amerikanu.

Projetu ida ne'e hetan apoiu hosi Kew Rotary Club Austrália no Embaixada Tailândia iha Timor-Leste.



HADIA EKONÓMIA FETO IHA ÁREA RURÁL: AUMENTA OPORTUNIDADE NEGÓSIU BA FETO VULNERÁVEL

Projetu ne'e kontribui ona hodi hadi'ak feto vulnerável sira-nia abilidade atu dezenvolve sira-nia moris iha Munisípiu Aileu no Manufahi.

Munisípiu rua refere identifikadu nu'udar alvu ba projetu bazeia ba rekomendasaun sira hosi lider lokál no governu lokál tanba entre, munisípiu rua ne'e iha risku aas ba kazu sira inklui violénsia doméstika, no feto faluk foin-sa'e ka abandonado hela ne'ebé rejista iha Ministériu Solidariedade Sosiál no Inkluzau (MSSI). Tan ne'e, munisípiu rua hili hanesan prioridade atu responde imediatu ba asuntu jéneru no inkluzau sosiál iha munisipál.

Atividade sira ne'ebé hala'o ona, inklui treinamentu kona-ba violénsia bazeia ba jéneru, jestaun negósiu no jestaun finanseira ba grupo feto. Iha Munisípiu Aileu, atividade ne'e hala'o iha Remixio - suku Fadabloco no iha Manufahi, atividade ne'e hala'o iha Suku Betano, Postu Administrativu Same. Projetu ne'e fó impaktu direita ba feto hamutuk nain 40 no estimadu ema nain 280 maka benefisiáriu indireta.

Aleimde ne'e, halo ona reflesaun nu'udar avaliasaun hamutuk ho grupu alvu sira hodi fahe progressu atividade empresta-osan ninia susesu no dezafiu ne'ebé sira esperiénsia. Sorumutu reflesaun ida ne'e hala'o ho susesu iha Dili no partisipa husi feto 27 hosi grupu 15 ne'ebé hala'o atividade empréstimu hosi munisípiu 11. Durante sorumutu reflesaun, hatudu katak 80% husi grupu 15 susesu iha jere atividade mikro-kréditu durante 2018, no grupu tolu seluk grupu foti inspirasaun no lisaun esperiénsia hosi grupu susesu, no sira hakarak kontinua sira nia atividade. Projetu ida ne'e hetan apoiu hosi Ministériu Solidariedade Sosiál no Inkluzau (MSSI).





PROGRAMA ADVOKASIA

Promove Direitu Umanus kona-ba feto no labarik sira iha Timor-Leste hanesan objetivu prinsipál ba Programa Advokasia. Iha tinan 2018, Programa ne'e fornese oportunidade liuhosi realiza Forum Diskusaun ba Joven sira kona-ba prevensaun violénsia bajeia ba jéneru, enkuadramentu legal sira ne'ebè prevene direitu feto, Forum Sidadania iha nível suku nian no fó protestaun ba vítima violénsia bajeia ba jéneru iha nível nasional no munisipál liuhosi mekanismu referral. Aleinde ne'e buka hatene fatóres impedimentu feto ba iha poder foti desizaun liuhosi halao ona peskiza kona-ba "Públiku Nia Persepsaun ba Feto Lideransa iha Timor-Leste" no perkiza kona-ba "Jurnada Partisipasaun Feto iha Lideransa" no programa ne'e hala'o monitorizasaun ba Ofisiál Terenu iha alvu munisípiu 12 inklui Rejiaun Administrativa Espesiál Oéusse Ambeno (RAEOA).

Durante tinan 2018 nia laran Programa Advokasia konsege atinji rezultadu sira ne'ebè planea inklui: komemorasaun eventual ba feto no hafórsa aliansa parseirus.

Programa nia atinjimentu husi sub-programa 2 maka deskreve iha kraik ne'e:

SENTRU REKURSU BA FETO: DEZENVOLVE KAPASIDADE JOVENTUDE FETO NO MANE

Projetu Sentru Rekursu Ba Feto fornese ona espasu ba joven, manorin no comunidade enjerál sira hodi eleva ona sira-nia kapasidade ba prevensaun no protesaun violénsia no diskriminasaun. Dadus hatudu katak atendentu ida nee konsege akomoda ema ho hamutuk totál 2,542 (F:1624 & M:922). Tuir rezultadu ezame ne'ebé halo antes hatudu katak iha deit porsentu 40 husi partisipante sira mak iha komprensaun nato'on kona-ba violénsia bajaia ba jéneru no ninia protesaun maibé depois diskusaun mensal nian hatudu katak porsentu 90 hosi total partisipante hasa'e ona sira nia abilidade no kapasidade kona-ba prevensaun no protesaun husi violénsia ne'e. Aleinde ne'e, mais ou menus porsentu 80 hosi ema 60 hasa'e ona sira nia abilidade no komprensaun kona-ba oinsá atu prevene a'an hosi droga, alkol no moras hada'et.

Numeru Benefisiarius SENTRU REKURSU FETO

	Feto	1624
	Mane	922
TOTAL		2542

Iha parte advokasia nian konsege halo submission ba Orsamentu Jerál Estadu 2018 ba setór saúde no edukasaun hamutuk ho Grupu Traballu ba Orsamentu Sensível ba Jéneru no produs ona matadalan ba monitorizasaun ba Relatóriu Sombra - Konvensaun CEDAW ne'ebé sei hahú iha tinan 2019. Iha parte seluk, involve mós iha Konferénsia Feto Munisipál hodi sai nu'udar fasilitador ba área Tráfiku Umanu no Ekonómia iha munisípiu 8. Aumenta-tan, advokasia ba asuntu feto no labarik ba tinan ida ne'e mak asuntu Infantisidu/soe bebé no incestu ba institusaun relevante sira hanesan ba Administradór Munisípiu Dili inklui Posto Administradór 6 no membrus Konsellu Suku (32 suku) nomos ba Parlamentu Nasionál atu bele servisu hamutuk hodi asegura política no lei sira ne'ebé proteje vítima sira. Nu'udar rezultadu husi Advokasia refere konsege hamosu konkordansia entre Rede Traballu ba Advokasia Violénsia Bajaia ba Jéneru ho Autoridade Munisipal no Lideransa Komunitária iha Dili liuhosi hamosu akta ida hodi halo asaun ba haforsa papél lideransa komunitária bajaia ba Lei Nu. 9/2016 hodi prevene no proteje kazu infantisidu no incestu.

Iha parte seluk, konsege apoia no refere vítima violénsia bajaia ba jéneru hamutuk 48 no vítima hamutuk 44 asesu ona ba justisa legál, uma-mahon, akonsellamentu no hetan pakote umanitária hosi Fundasaun Alola no MSSl.



Istoria Susesu husi membru Movimentu Foin-sa'e Komunidade (MFK) Alola nian

Elsa da Graca, feto klosan ida husi Munisípiu Manatutu sai nu'udar alvu ba Projetu Sentru Rekursu ba Feto nian iha tinan 2007. Hafoin formasaun Elsa kontinua asesu ba Sentru Rekursu nian inklui asesu biblioteca, komputadór no internet no mós diskusaun mensal sira ho topiku oin-oin. Iha tinan 2017, Elsa hamutuk ho ninia kolega sira ema 25 husi Munisípiu Dili, Likisa & Manatutu ne'ebê hetan formasaun no apoia tékniku husi pesoál projetu Sentru Rekursu ba Feto estabelese grupu ida hanaran Movimentu Foin-sa'e Komunidade iha Dili. Nu'udar rezultadu husi grupu ne'e, Elsa konsege fornese ona formasaun ba estudante no komunidade sira iha ninia munisípiu no Dili. Durante tinan 2018, Elsa konsege apoia kazu rua inklui kazu incestu no violénsia seksual ba Polisia Unidade Ema Vulneravel (VPU) no Polisia Komunitária iha munisípiu Manatuto.



SUPOORTA MUNISÍPIU: HASA'E FETO NIA PARTISIPASAUN IHA ÁREA RURÁL

Atu haforsa no empodera feto sira-nia lian iha poder foti-desizaun iha nível munisipál sira, pesoál Fundasaun Alola servisu besik ho Asosiasaun Feto identifika ona feto potenciál ba kandidatura hamutuk 25 pessoas hosi munisípiu 12 inklui Rejiaun Administrativa Espesiál Oé-Cusse Ambeno (RAEOA) hodi bele hetan kapasitasaun husi Fundasaun Alola iha futuru atu nune'e bele kompete iha Eleisaun Munisipál. Iha parte haforsa lideransa suku nian, konsege halo ona talkshow ba feto xefe suku, xefe aldeia no delegada feto sira-nia hamutuk iha rádiu komunidade iha munisípiu 12 hodi apresenta sira-nia papél, responsabilidade no dezafiu ne'ebê sira hasoru durante halao sira nia kna'ar. Atividade ida ne'e envolve feto lideransa komunitária hamutuk 24. Aleinde ne'e, Forum Sidadania konsege defini programa prioridade ba feto ho labarik iha iha munisípiu 12 no suku 24 ne'ebê atende husi ema hamutuk 1,406. Nu'udar rezultadu husi diskusaun ne'e, kuaze 80 % husi suku refere nia problema hetan resposta husi instituisaun relevante no governu lokál. Mudansa sira depois advokasia inklui:

- Iha RAEOA, suku Lifau antes ne'e, kondisaun fatin atu prepara merenda escolar iha Escola Primária Tula-lka - Lifau la favorese no laiha hijenia. Nu'udar rezultadu husi advokasia ne'ebê halo husi Ofisiál Terenu Fundasaun Alola no delegada feto husi suku Lifau ba Ministériu Edukasaun RAEOA ikus mai hetan renovasaun ba dapur refere.
- Atinjimentu seluk mak iha munisípiu Lautem, suku Laivai ne'ebê durante ne'e laiha pré-eskolár maibé depois aprosimasaun ne'ebê iha konsege hetan apoia husi Rotary Austrália ne'ebê sukat ona rai atu estabelese pré-eskolár iha suku refere.
- Problema ida iha munisípiu Aileu, sentru saúde husi suku Liurai nia kondisaun ladun di'ak, tamba ne'e komunidade susar atu bele asesu lalais



ba sentru saúde refere. Depois halo komunikasaun no enkontru ho Diretór Saúde Munisipál, sentru saúde refere hetan ona reabilitasaun husi Ministeriu saúde. Aliende ida ne'e, iha munisípiu Ainaro, suku Manelobas, falta transporte atu transporta inan isin rua ba iha sentru saúde, maibé, agora dadaun iha suku Manelobas iha ona kareta ambulánsia ida atu fasilita tula feto isin rua ne'ebé atu partus no mós moras sira seluk.

Iha 2018, projetu peskiza rua sira hahú buka dalan feto lideransa nian no persepsaun públika kona-ba feto sira iha Timor-Leste. Tinan ida ne'e, ami dezenvolve mata-dalan ba peskiza ho lideransa feto sira ne'ebé 14 husi setór sosiál, ekonómika no polítika hosi munisipiu Dili, Manatuto, Viqueque, Liquiça no Ermera.

Peskiza refere sei fahe ba faze 3, faze dahuluk hala'o treinamentu ba peskizador sira; Faze daruak prodús mata-dalan no entrevista no faze datoluk levantamentu dadus. Aumenta tan, peskiza kona-ba persepsaun públika feto lideransa iha Timor-Leste prodús ona Termu Referénsia ba peskiza no konsultasaun ho grupu no organizaun referénsia hodi hamosu perguntas inisiu ba peskiza. Rezultadu husi peskiza ida ne'e konsege apresenta ona relatóriu preliminaríuu ba grupu referénsia sira no sei públika relatóriu husi peskiza refere iha tinan 2019.

Atu haforsa grupu feto iha Hatubiliku, projetu ida-ne'e konsege halo ona formasaun kona-ba jestaun finanseira báziku, violénsia bajeia ba jéneru no tráfiu umanu ne'ebé atende husi ema hamutuk 52. Formasaun ida-nee konsege hasa'e ona konsensia partisipante sira-nia kona-ba tópiu sira ne'e. Iha parte seluk, grupu hamutuk 5 hetan apoiu osan ba fila liman ho totál \$6,500.

Iha nível munisípiu, projetu ida nee fornese ona apoia ba vítima sira hamutuk 13 hodi asesu ba dalan legál no asisténsia umanitária. Tipu kazu sira ne'ebé iha inklui kazu violénsia doméstika, violénsia seksual, abandona no incestu

Projetu Suporta Distritu mós realiza ona desimina informasaun kona-ba Kampanha Prevensaun Isin Rua Sedu iha eskola tolu; Ensino Básico Central (EBC) 30 de Agosto Comoro Dili, Ensino Básico 03 Likisa no eskola SMEAK Railaco ho totál partisipante 113, (Feto:48; Mane: 55). Objetivu atu hasa'e konsiensia estudante sira nia hodi prevene no proteje sira nia-an husi risku oi-oín durante sira sei hala'o aprendijajen.



ISTÓRIA SUSESU HUSI XEFE SUKU BAMATAC, MUNISÍPIU MANATUTU :

Sra. Olinda Perreira nu'udar xefe suku iha suku Funar, postu administrativu Laclubar, munisípiu Manatutu nian. iha tinan 2005, ia hahú envolve-an iha vida polítika iha tinan 2005. Iha tinan 2016 comunidade sira iha suku Bamatac hili nia nu'udar xefe suku liuhosi eleisaun. Nia salienta katak partisipasaun feto iha vida polítika laos fásil tamba lori tempu ne'ebé naruk. Nia hateten maske defisil maibé ha'u iha mehi ida atu halo mudánsa ba ha'u nia a'an no ha'u nia feto maluk no labarik sira nia moris.

“Ha'u iha iniciativa rasik hakarak participa iha programa oin-oin ne'ebé estabelese husi organizasaun Rede Feto no Fundasaun Alola. Husi envolvimentu atividade sira mak motiva ha'u hodi bele participa efetivu liu-tan iha prosesu dezenvolvimentu suku nian. Ha'u mós hakarak hasa'e ha'u nia abilidade no kapasidade pesoál iha atividade oi-oin tanba liuhosi ha'u nia mehi mak loron ida ha'u mós bele sai lider ida. Mehi ne'e sai duni realidade iha tinan 2016 no mudansa significante ne'ebé durante ne'e ha'u halo maka hanesan;

- Halo ona advokasia ba estudante ne'ebé eskola iha nível ensinu báziku iha suku Funar durante ne'e la-uza farda halo ona advokasia ba Ministériu Edukasaun no agora iha prosesu nia-laran atu alumnus sira bele uza farda.
- Hasa'e konsensia comunidade liu-liu ba inan-aman sira kona-ba importánsia husi edukasaun atu haruka sira nia oan ba eskola.
- Realiza sorumutu ho comunidade atu sira-nia oan labele kaben sedu maibé tenki haruka sira ba eskola.





APROSIMASAUN PROJETU INTEGRADU

Fundasaun Alola liuhosi Projetu ne'e servisu hamutuk hodi eleva estatutu nutrisaun ba labarik sira. Aprosimasaun ida-nee sei fornese espasu ba kada programa Alola nian hodi halo intervensaun to'o área rural no haforsa lideransa feto iha prosesu foti desizaun. Projetu ida ne'e sei alvu ba suku rua mak Caimauc no Manumera iha postu administrativu Turiscaí, munisípiu Manufahi.

Iha tinan 2018, Projetu Aprosimasaun Integradu (AI) oficialmente lansa no halo mós inagurasaun ba grupu comunidade hanaran Suku Hadomi Inan no Oan (SHIO). Antes ne'e, iha atividade rua mak implementa uluk inklui konsultasaun no sosializasaun ba autoridade lokal no parseiru sira nomos grupu diskusaun . Tuir mai halao kedas analiza problema partisipatoriu no formasaun kona-ba saúde ho topiku oi-oin. Detalhu husi rezultadu sira mak hanesan tuir mai ne'e:

Konsultasaun no Sosializasaun Intiativa Aprosimasaun Integradu

Reprezentante husi programa 4 realiza ona enkontru inisu ho autoridade lokal no parseiru ba implementasaun Projektu AI iha munisípiu Manufahi, postu administrativu Turiscai. Kon-sultasaun refere intrudus ona pasu no prosesu projetu pilotu AI ne'ebê sei implementa iha suku alvu rua ba autoridade lokál no parseiru sira ho durasaun tinan tolu (2018-2020). Aumenta tan, autoridade lokal no parseiru sira ne'ebê par-tisipa afirma sira-nia kompromisu atu apoia projetu AI ninia implementasaun sira no sei kolabora ba susesu projetu Aprosimasaun Integradu nian. Autoridade lokal sira reforsa katak, Fundasaun Alola hanesan NGO lokál dahuluk ne'ebê iha ideia atu estabelese programa aprosimasaun ne'e hodi bele responde ba problema nutrisaun iha Timor-Leste.

Atividade konsultasaun halao ona iha Manufahi no sesaun sosializasaun implementa iha Turiscai ho partisipasaun husi Prezidente Autoridade munisipál, Diretór Saúde munisipál, Diretór Edukasaun munisipál, Diretór MAP munisipál, no Prezidente Asosiasaun Feto.



Diskusaun Grupu Foka (FGD)

Etapa kontinuasaun husi projetu refere mak konsege halo ona diskusaun grupu. Nu'udar rezultadu, identifika no alista ona ideia sira kona-ba problema no kauza sira ne'ebê kontribui uza metodu partisipativa. Deskobretas sira ne'e sei sai hanesan baze dadus hodi nune'e bele fortifika dezenhu planu ba projetu aprosimasaun integradu nian iha suku rua refere. Grupu diskusaun halao dala rua involve lideransa lokál, parseiru, comunidade, kuaze besik ema 70 husi suku Manumera no Caimauc mak partisipa.

Lansamentu Projektu Aprosimasaun Integradu

Iha 17 fulan-Outubru 2018, Fundasaun Alola ofisiálmente hala'o lansamentu projetu pilotu foun hanaran Projektu Aprosimasaun Integradu nu'udar parte ida husi komemorasaun Loron Mundiál ba Feto Rurál. Seremonia refere konfirma Alola nia kompromisu

ba tempu naruk hodi hadia kondisaun moris feto no labarik sira iha área rurál. Projetu ida ne'e sei kombina rekursu husi programa haat Alola nian hodi delibera dezvoltamentu iha área alvu sira. Iha tempu ne'ebê hanesan halo mós inagurasaun ba grupu comunidade hanaran “Suku Hadomi Inan no Oan (SHIO)” iha suku Caimauk no suku Manumera.

Administrador do Postu Turiscai, Sr. Julio Godinho durante sesaun abertura husi lansamentu hatu'o ninia apresiasaun ba Fundasaun Alola tanba bele realiza duni ninia kompromisu hodi implementa aprosimasaun integradu. Nu'udar representante governo nian, nia mós enkoraja ba membru grupu SHIO atu

bele sai motivador iha comunidade nia laran hodi bele hadia sira-nia moris. Serimónia inagurasaun ne'e rasik halo iha salaun postu administrativu Turiscai no hetan partisipasaun masimu husi Administrador do Postu, Xefe Servisu Saúde Turiscai, Inspektor Ministériu Edukasaun, Komandante PNTL Eskuadra Turiscai, lideransa lokál sira, konsellu suku, joventude, feto potenciál, membru grupu SHIO Caimauk no Manumera no mós comunidade.

Intervensaun Programa Saúde Inan ho Oan

Hafoin hala'o inagurasaun Grupu SHIO, programa Saúde Inan ho Oan kontinua implementa atividade programa Saúde Inan no Oan inklui formasaun Análiza Problema Partisipatoriu (PPA), formasaun kona-ba hahán komplementariu ba labarik no enkontru mensal SHIO ne'ebê foka liu-ba topiku oin-oin hanesan promosaun saúde, akonsellamentu no visita uma-kain.



Rezultadu husi intervensaun sira nee mak hanesan tuir mai:

- Identifika ona problema no fatór kontribui sira ne'ebé iha relasaun ho saúde no mós lakunas iha suku rua refere, hodi hafásil intervensaun tuir nesesidade comunidade nian. Sesaun identifikaun ne'e liuhosi Análiza Problema Partisipatoriu (PPA) ba loron tolu ne'ebé partisipa husi membru grupu hamutuk ema 29 (Feto 13 : Mane 16) husi suku Caimauc no Manumera.
- Membru SHIO nia koñesementu kona-ba susubeen eskuziva, hahán komplementár ba labarik idade 0–tinan 2, planeamentu familiar no partus seguru aumenta ona liuhosi formasaun. Formasaun refere partisipa husi membru grupu hamutuk ema 30 (Feto 15 no Mane 15).
- Dezenha no produs ona oráriu ba membru grupu SHIO atu halo vizita uma-kain hodi halo promosaun saúde, akonsellamentu. Aumenta tan, membru grupu sira hetan mós informasaun kona-ba lalaok promosaun saúde no akonsellamentu liuhosi enkontru mensal SHIO ne'ebé halo dala rua kada suku rua ne'ebé partisipa husi membru grupu hamutuk 60 (F:29 & M:31).

Projetu Aposimasaun Integradu hetan apoia orsamentu husi Alola Austrália






Hetan informasaun apropriadu hanesan sidadaun nia direitu no ida-ne'e garantia hosi Konstituisaun RDTL iha artigu 40. Rádio hanesan ponte informasaun importante ne'ebé besik liu ba comunidade, no ida ne'e mak parte importante ida husi estratéjia komunikaun Alola nian. Liu husi programa rádiu **"Feto ho Nia Mundu"** ne'ebe fo sai liu husi Radio Metro FM 94.7 Mhz, Alola Media disemina informasaun kona-ba programa Alola no asuntu importante liga ba feto nia moris. Estratéjia ida-ne'e hodi hametin kredibilidade organizaun nian iha publiku. Programa radio ne'e hetan apoiu husi Sekretáriu Estadu ba Komunikaun Sosiál (SEKOMS)

RELATÓRIU FINANSIÁL ALOLA 2018


INCOME STATEMENT FOR THE YEAR ENDED 31 DECEMBER 2018

	Note	2018	2017
		\$	\$
Revenue	2	1,562,971.36	1,884,649.2
Other revenue		260,974.48	-
Administration expenses		-616,174.26	-578,312.13
Project costs		-1,184,025.45	-1,274,074.36
Surplus/(deficit) after income tax		23,746.13	32,262.71
Note 2: Revenue			
<u>Revenue from Government and Other Grants</u>			
Grants & project income		1,052,553.31	1,332,228.29
Donations		238,004.53	212,423.84
Education grant		223,799.66	192,017.10
Other income			256,329.05
Carry Forward from Prior Year		504,228.28	395,907.43
Carry Forward to Next Year		-455,614.42	-504,256.51
		<u>1,562,971.36</u>	<u>1,884,649.20</u>
<u>Other Revenue</u>			
Sales		0	0
		<u>1,562,971.36</u>	<u>1,884,649.20</u>

Note 2: Revenue



Note 2 : Revenue 2017-2018



BALANCE SHEET AS AT 31 DECEMBER 2018

	2018	2017
	\$	\$
ASSETS		
<u>CURRENT ASSETS</u>		
Cash and cash equivalents	709,388.17	700,018.81
Operational advances		12,255.16
Trade and other receivables	77,870.02	115,396.81
TOTAL CURRENT ASSETS	787,258.19	827,670.78
<u>NON-CURRENT ASSETS</u>		
Property, plant and equipment	107,281.86	124,626.07
TOTAL NON-CURRENT ASSETS	107,281.86	124,626.07
TOTAL ASSETS	894,540.05	952,296.85
CURRENT LIABILITIES		
Trade and other payables	464,258.58	556,880.40
Employee provisions	29,998.20	18,879.31
TOTAL CURRENT LIABILITIES	494,256.78	575,759.71
<u>TOTAL NON-CURRENT LIABILITIES</u>		
TOTAL LIABILITIES	494,256.78	575,759.71
NET ASSETS	400,283.27	376,537.14
<u>EQUITY</u>		
Funds available for future use	400,283.27	376,537.14
TOTAL EQUITY	400,283.27	376,537.14

SUMARIU RELATÓRIU HUSI AUDITÓR INDEPENDENTE

BA MEMBRU FUNDASAUN ALOLA SIRA,

Ami halo tiha ona audit ba Fundasaun Alola ho ninia relatóriu finansial aneksu ba periodu 1 Janeiro to'o iha 31 Dezembru 2018 .

Responsabilidade Jestor ba relatóriu Finanseiru

Jestor kompañia sira responsável ba preparasaun no apresenta relatóriu finanseiru nian tuir Padraun Internasionál Finanseiru Relatoriu Sira ("IFRS"). Responsabilidade hirak ne'e inklui dezenha, implementa no mantein kontrolu interna, nu'udar jestor ne'ebé determina nesesidade sira atu bele prepara deklarasaun finanseira ne'ebé livre husi apresentasaun deklarasaun ne'ebe lalos, fraude ka eiro; halo selesaun no aplika politka kontabilidade ne'ebe apropiadu; no halo estimasaun kontabilidade iha sirkumstansia sira ne'ebe razoavel.

Responsabilidade husi Auditor

Ami nia responsabilidade mak atu espresa opiniaun ida kona-bá relatóriu finansiál baseia-ba ami nia audit. Ami halo audit ne'e tuir Padraun Internasionál Auditoria nian. Padraun Auditoria hirak ne'e ejiji ami atu kumpri rekejitus etiku sira no planu no realiza audit hodi hetan rezultadu ne'ebe razuavel kona-ba deklarasaun finanseira, akompana ho notas sira ne'ebe livre husi deklarasaun falla sira.

Auditoria ida-ne'e inklui realiza prosedura sira atu evidénsia kona-ba montante no divulgasaun iha deklarasaun finanseira sira. Audit ida ne'e inklui avalia utilizasaun politika kontabilidade ho adekuaudu no razaun sira ba estimasaun kontabilidade ne'ebe halo husi jestaun, nune'e mós avalia apresentasaun deklarasaun finanseiru en-gerál. Ami fiar katak ami-nia auditoria fornese opiniaun ne'ebe razuavel no suficiente.

Opiniaun Auditor

Hau nia opiniaun, deklarasaun finanseira nian ne'ebe apresenta mak justu, aspeitu materiais hotu inklui pozisaun finanseiru Fundasaun Alola nian to'o 31 Dezembru 2018 no dezempenhu finansas ida-idak ba tinan tomak to'o remata tuir padraun internacional kona-ba relatoriu finanseiru nian no enjeral tuir prinsipiu kontabilidade ne'ebe aseita iha Timor-Leste. Detalhadu kona-ba deskobreta no rekomendasaun sira fornese ketak iha ami nia Relatóriu Auditoria kona-ba deskobreta refere.

Kompánia nia naran: **Primo's Boot Unipessoal, Lda**



Joao Emanuel Mendes

Auditor Certified n°0481-OPACC

Room 203, CBD3, Timor-Plaza, Dili, Timor-Leste

Data: Feveireiru 27, 2019

KONSELLU DIRETORIA FUNDASAUN ALOLA IHA 2018



SRA. Dr. KIRSTY SWORD GUSMÃO AO (Prezidenti)

Eis Primeira Dama Timor-Leste; Fundadóra no Prezidenti Konsellu Fundasaun Alola, Fundadóra no Patronu Dili Institute of Technology (DIT), Fundadóra Xanana Gusmao Reading Room (XGRR), Prezidenti ba Komite Konsultivu Diretor Nasional Linguística, Andrew McNaughton Trust, Patronu ba Blair Forster Memorial Trust, Embaixadora Boa Vontade ba Edukasaun, Timor-Leste

SRA. CEDELIZIA SANTOS - Xefe Departamentu Administrativu no Finansas ba UNESCO

SR. Dr. SILVERIO PINTO BAPTISTA - Provedór ba Direitu Umanu no Justica Timor-Leste (PDHJ), Presidente Konsellu ALFELA, PRADET no FOKUPERS

SRA. ANTONIA CARMEN DA CRUZ - Diretóra Sentru Solidaridade Municipiu Liquiça, Ministériu Sosiál Solidaridade, Timor-Leste

SRA. ALBINA FREITAS - Membru Parlamentu Nasional no Fundadora ONG LUZEIRO

SRA. MISLIZA VITAL - Chefe Departamentu Nutrisaun, Ministériu da Saúde (MS)

SRA. MARIA DOMINGAS ALVES - Komisária Komisaun Funsau Públika, Eis Ministra Sosiál Solidaridade Timor-Leste no Fundadora Organizasaun FOKUPERS

FUNGSIONARIUS ALOLA IHA 2018

Obrigado Barak Ba Funsionarius Hotu Ninia Servisu Maka'as No Komitmentu

DIRETORA EZEKUTIVA

Alzira Siqueira Freitas dos Reis

JERENTE PROGRAMA

Adalziza dias Ximenes
Cristina Santos Martins
Ema Freitas de Sousa
Jose Sabino Ximenes
Maria Evelina Imam
Maria Imaculada Guterres

PROG. SAUDE INAN NO OAN

Adalgisa Menezes
Albertina de Rosa
Alberto Brites
Amelia Amaral Soares
Antonio Fernandes de Oliveira
Arnaldo Neno
Aurelia Ximenes
Beatris Ximenes
Baptista Camanhas
Calisto Ulan

Celestina F de Oliveira
Cipriano Obe
Decardina
Domingas Maunu Coa
Domingos Lafu Neken
Domingos Tefa
Estefania Ximenes
Filomena Xavier
Gina Santa
Hipolito Xavier
Joao Hornay
Jaquelina Sarmento
Justina Pereira
Juvencia da Silva Ximenes
Irmينيا I Nalle
Ligia Ema Ximenes
Ligia Madeira F. S. M Belo
Liliana Pires
Livia Tavares
Lucia Taeque
Lizetti Moura

Luiza Meluiza
Mafalda da Cruz
Manuel da Costa Brites
Moises da Silva
Marcelina Abi
Marcos Lasi
Maria Leonilda
Maria Meni
Mario Cunha
Minguel Ani
Neneng Alkatiri
Nelson Correia de Almeida
Octavio Pereira
Pasquela J. Handayani
Pasquela Soares
Pascoela Barreto
Pedro da Silva
Ricardo Sufa
Sabina Tunis
Simao poto Sabu
Tomas J. da Neves



PROG. EDUKASAUN

Abilio Luciano Guterres
 Abrao Jose de Jesus
 Augusto da Cruz
 Antonio Barreto
 Aquiminio da Silva
 Carlos Piedade
 Carlos Sarmento
 Carmelita Do Rego
 Dulce pereira Lopes
 Elio Mascarenhas
 Filomena dos Santos da S.
 Fortunato de Deus
 Hernanio Da Cruz
 Henrique Obe
 Ivonia Dikson
 Joanina Candida
 Joanita
 Joanina da Silva Pires
 Juliana Barreto
 Joao da Costa
 Lucena Allen
 Marcal Ramos Gomes
 Maria Rosa
 Nogueira Soares

Nuni M. Nobre
 Romeo Ximenes
 Rosalina dos Anjos Aviz
 Rosita dos Santos
 Sofia Camoes Pereira
 Trifonio da Costa do Rosario
 Triponio Verdial
 Venezuela de Sousa

PROG. ADVOKASIA

Apolonia Da Costa
 Agustinha Fraga
 Bendita Maria Jose
 Bendita Mendonca Barreto
 Cristalina de Jesus P Guterres
 Elesita Roserio
 Georgina da Costa Ximenes
 Francisco Guterres
 Joana Dos Santos
 Joanina Da Costa
 Jacinta Da Cruz
 Josefina Q. Pereira
 Juventina Sequeira
 Luciana Guterres
 Maria Do R. Da Silva Monteiro

Marquelina Pereira dos Santos
 Manuela Soares Brites
 Paulina Asis Belo

P. HAKBI'IT EKONOMIA

Ilda Maria da Cruz
 Mario Barreto
 Maria Lurdes G Fereira

MEDIA

Fransiskus Xaverius S.

REKURSU UMANU

Fernanda Sequeira Ferreira

FINANSA

Julio Hornay
 Rosalina Olo

SUPORTA EDIFISIU

Abrao L.Fraga
 Adelio Batu Mali
 Alfonso Ama Boko

Bernardino Guterres s Vieira
 Celestina de Oliveira Sousa
 Domingas Varela
 Domingos Marques
 Domingos da Silva
 Eugenio Misquita
 Filomena Paicheco
 Geronimo Gama
 Helena Vieira
 Henrique Hornay
 Imanuel Skera
 Isabela Boavida Coelho
 Margarida Sarmento
 Marito Gomes Lopes
 Manuel Sarmento
 Joao Bosco
 Juliana de Carvalho
 Luis Esperito Santo da Costa
 Pascoal Martins
 Paulino Ximenes
 Paulo de Jesus carvalho
 Paulo Rosario
 Thomas Maria Belo

2018 LISTA DOADOR

Hodi Feto Timor-Leste nia naran ami hakarak hato'o ami nia agrade-se ba ami nia doadores no parseiru, ba suporta dedikasaun no jenerosidade tomak iha 2018, ne'ebe haforsa ami implementa programa ba ami nia comunidade.

ADVOKASIA:

IWDA - International Women's Development Agency
Gabinete Primeiru Ministru- Fundus Apoia
Sosiedade Sivil
Blue Mountain East Timor Sisters
Alola Australia

SAUDE INAN NO OAN:

ConocoPhillips
Alola Australia
UNFPA
Embaixada Australia liu husi Parseria
Dezenvolvimentu Umanu (PHD)
Blue Mountain East Timor Sisters
ChildFund
TOMAK
Woodside
Duador individual sira

HAKBI'IT EKONOMIA:

Ministeriu Solidariedade Sosial-RDTL
Rotary Club of Kew
Alola Australia
Embaixada Thailandia
Gift Certificate Program
Andrew McNaughtan Foundation (AMF)
Duador Individual sira

EDUKASAUN :

Embaixada Australia liu husi Parseria
Dezenvolvimentu Umanu (PHD)
UNICEF
ChildFund Australia liu husi ChildFund Timor-Leste
Alola Australia
Duador individual sira



woodside

Partnership for
Human Development
AUSTRALIA TIMOR-LESTE

IWDA INTERNATIONAL
WOMEN'S
DEVELOPMENT
AGENCY



Ch**id**Fund
Timor-Leste





FUNDASAUN ALOLA

Avenida Bispo de Medeiros,
Mascarenhas, Dili, Timor-Leste
PO Box 3, Dili, Timor-Leste via Darwin, Australia

(+670) 332 3855 

info@alolafoundation.org 

fundasaun.alola 

[alolafoundation](https://www.alolafoundation.org) 

www.alolafoundation.org 